

FILEMON

Kukue Ko Paulo Lɛwɔni Ʋtɔ Filemon

¹⁻² Mɔ, Paulo, wɛ nlabe lɛ Aba eto diyo lɛ Kristo Yesu eto disi, eyɛ lɛ letsya nɛ mɛmbe wɛ eso ku bo ɔyimi Timoteo, bo nɛ kukue komfo bɔwɔni kɛtɛ fɛ Filemon bo uyifotsyuɛ lala, bo ɔyimisio Apia ku bo ɔyetsyuɛ ku uyifotsyuɛ Arkipo ku bafokakɔfɔ eto ditsyukpa nɛ laatsya lɛ fɛ diyo. ³ Bɔlɛ bɔtɔ boɛ Onanto wɛ ni Boanto ku Bonamute Yesu Kristo eto lefonɛ ku diyuɛ lɛ disiɛko mi.

Filemon Eto Lelabi Ku Wɛ Bofokanɔ.

⁴ Ʋyimi Filemon, maakloma fɛ lefe saa lɛ mɔ olatoto ɛsuɛ. Nya maasɔ Onanto ani lɛ fɛ disi. ⁵ Itsyise maanɔ kase faala Onanto eto betidi ku kase fɛfɔ Bonamute Yesu fɛnɔ. ⁶ Maato ola minkɛ bo sɛyetsyuɛ ku fɛ fe bafokanɔfɔ, eboboko kasɔnɔnɔ enso lɛ bonti. Itɛ ɛnɛ atsyɔkpokpo kenke nnya nkpe lɛ nkpe eyɛ lɛ bo lɔniyifoyifo ku Kristo ɛsuɛ. ⁷ Ʋyimi lala, lelabi nɛ nkpe fɛ ɛtɛ nyɛ disuɛyuɛ kpɛ ku nkɛalekpekpe! Ʋtɛ diyuɛsɛ mba kenke lefo Onanto banɔ eto ketu.

Paulo Ɔlɛ Filemon Lekpakpa Nkɛ Usinkli Ofo Onesimo.

⁸⁻⁹ Se minyifo fɛ ɔyimisani eyɛ lɛ sɛyetsyuɛ sia ɛsuɛ bonkpe lɛ Kristo ɛsuɛ esoo, eni moofɔ fɛ bɔtɛyi miɛ yifo lesa nɛ ele bɛ yifo. Tsyaa, se maala fɛ esoo, nla miɛ maalɛ fɛ lekpakpa bomu.

Ite bæ mɔ ni Paulo wə ni Kristo Yesu eto ɔtɔnkpe. Nya mɔmɔɔ, nyifo nwə bėti bákpe læ diyo læ wə disisi eso. ¹⁰ Nyaso mɔmɔɔ, nɛ fə lekpa kpa læ Onesimo wə díkafiani mɔ kosate eto ubi eto disisi læ lefe nə bakpe mɛ læ amla læ aba eto diyo. ¹¹ Ite bæ wə diye eto kasɔ ni kutəkə tsyaa, kɔɔ utidi ko ete udi, wánkɛ kutəkə saa utə fə. Fɛ mɔmɔɔ, okpe kutəkə útə bonko fə ta.

¹² Mɔmɔɔ, nsinkliko wə nɛ fə botsyese. Iyifo mɛ fe mɔ kosate eto utu minfi minɛ fə botsyese. ¹³ Eni moola miə ɔkɛ mɛ læ ɔflɔ mfo lefe nə eto lefe minlabe læ diyo læ Ditiki Sɛɛ nəmə eso, bæ læ ofo mɛ bɔwunsəko læ fə kɛnyɛ. ¹⁴ Fɛɛ manla miə maanyinkə fə nkpe miə læ awunsəko mɛ. Bomu moola miə iyifo lesa nə ditsyi fə utu kəmiə, diyifo fə lelabi. Nyaso membuyifo kulesa nə dimenyifo fə lelabi.

¹⁵ Ditsyuə nnya eso Onesimo dídu læ fə ɔflɔ lefe kliminti ditsyuə nəmfo ni bæ læ ofo busikli kəbə kəsiə fə læ ɔflɔ itə lefe nə ta. ¹⁶ Nya mɔmɔɔ, unsini ndomunyə fufu, bomu oso ndomunyə. Uyifo ɔyimi lala læ Kristo eso. Ofo koya utə mɛ tinti. Fɛɛ itə fəə, ofo koya utə fə oso, itsyise uyifo fə ndomunyə fe utidinini, nya unsi uni ɔyimisani læ Bonamute əsuə.

¹⁷ Nyaso læ əənyə mɛ fe fə uyifotsyuə, sinkli afo wə fe kase fofo mɔ kosate. ¹⁸ Lə óta fə ubu nye unsi fə kayo kətsyuə, bu kə ətə mɛ. ¹⁹ Mɔ, Paulo, kosate difi mɔ kɔni míwɔni nyamfo minkə mofo fə ke. Fɛɛ manla miə maaklomasə fə miə esi mɛ fə nkpe eto koya. ²⁰ Nya mɔ ɔyimi, tə læ nnya kutəkə sɛkɛ ntsyi læ fə ɔflɔ, læ Bonamute eso

ete. Yifo nyamfo nko læ lekpe mɛ læ disuəyua læ lekɔəsi kəmiə.

²¹ Nlɛ kukue komfo bɔwɔni kətə fə ku bofokanɔ miə ebuyifo læ lesa nə mintɔ fə əsuə, nnya ni bə ebuyifo læ nnya əsuə nya uusi eso nko kulaa tsya. ²² Lə nnya kamaa, lɔ kasonɔkɔ ətsyə mɛ mfó. Itsyise mfo nnɔ miə Onanto ebɔnɔ mible eto olatoto utə bayani mɛ nsinkli mbə mi ɔflo.

Paul Eto Kəsiə Fɛfɛ.

²³ Epafra, wə bonko nkpe læ Aba eto diyo læ Kristo Yesu eto disi esoo, nkə wəsiəsə fə! ²⁴ Nko ke ini Marko ku Aristarko ku Dema ku Luka ba ni mɔ keyifo eto bawunsəkotsyuəə, tsya bə bəəsiəsə fə kukɔnɔ!

²⁵ Bonamute Yesu Kristo eto lefonə læ disiəko mible kenke.

**Onanto eto kakle fɔfɔ; Sɛkpɛle
Sekpele: Onanto eto kakle fɔfɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd